

الأسماك/ الحوت

اليوم الموضوع ديال البرنامج ديالنا غايدخلنا إل العالم ديال الحوت باش نتعرفوا على الأنواع ديال الحوت اللي كانلقاوها ف الأسواق ديالنا. إذن انشوفوا الأنواع.

نبدأو بالأنواع اللي كانگولوا عليها الأسماك البيضاء. كاتسمى بيضاء ماشي لأن اللحم ديلها أبيض ولكن كايگولوا بأن اللحم ديال الحوت سهل ف الأكل و سهل ف الهضم. نشيت ما عطيتش أمتلة.

نشوفوا ف الصور. نتكلموا على نوع واحد آخر اللي كايتمسمى بالعربية الأسماك الشاطئية بالفرنسية أولا ف أوروبا كايسميوهم الأسماك الزرقاء، علاش؟ تسمات أسماك شاطئية لأنها ما كاتعيش ف العمق ديال البحر، بالعكس كاتخرج هي إل الشط ديال البحر و الصيادة راه عارفين الأنواع.

نديروا واحد اللعبة و نشوفوا و نتعرفوا على الأسماك غير بالصور. هاد الأنواع گلنا كاتسمى أسماك شاطئية و ف أوروبا كايسيوها الأسماك الزرقاء علاش زرقاء؟ لأن. القشوة و الجلدة ديالها مع الشمس و البحر كاتبان بحال اللي عاطية الزروقية كثيرة، و هكداك تسمات ...نتكلموا دابا على الإنتاج و من الإنتاج نمشيو إل التمن.

الإحصائيات كاتگول بأن المغرب نتج أو صيد تقريبا 980 ألف طن ف المجموع ديال الحوت ولكن هنا غادي تقسموا نا بين اللحوم أو الأسماك البيضاء و الشاطئية نشوفوا الفرق و نتكلموا على التمن. 980 ألف طن متافقين فيها 900 ألف طن ديال الأسماك اللي سميهاها الشاطئية و 80 ألف طن اللي سميهاها الأسماك البيضاء و لا اللحوم البيضاء. إذن هنايا 900 ألف طن و 80 ألف هنا غادي يكون الفرق ف الإنتاج و حتى ف التمن. إذن كل مرة مشينا نشريو الحوت و هادي هي المناسبة باش نسلموا على جميع الحوارة ، ناخدوا الوقت ديالنا ماشي غير بشحال و أرا بسلامة، ناخدو الوقت و نسولوا على الأنواع ديال الحوت، إنا هي اللي فهم لحوم بيضاء و إنا هي اللي حوت شاطئي. كفاش؟

نشوفوهم ف الصور قبل ما نمشيو عند الحوات. و نعاودو نسلمو على الحوارة، إذن البيضاء ! الأسماك الشاطئية! و هادشي كل إلا گلناه غير باش تستهلك لا ما تهلك!